



XALQ DEPUTATLARI TO‘RTKO‘L TUMANI KENGASHINING Q A R O R I

2025-yil 31-oktabr VII-16-123-13-190-K/25 To‘rtko‘l tumani

To‘rtko‘l tumanidagi aholining ijtimoiy ehtiyojmand toifalarini 2026-yilda ishga joylashtirish uchun ish o‘rinlarining eng kam sonini belgilash va zaxiraga qo‘yish to‘g‘risida

“Aholi bandligi to‘g‘risida”gi O‘zbekiston Respublikasi Qonunining 9-bobi hamda Vazirlar Mahkamasining 2017-yil 5-dekabrda 965-sonli qarori bilan tasdiqlangan “Ijtimoiy muhofazaga muhtoj, ish topishda qiynalayotgan va mehnatbozorida teng shartlarda raqobatlasha olmaydigan shaxslarni ishga joylashtirish uchun ish o‘rinlarining eng kam sonini belgilash va zaxiraga qo‘yish tartibi to‘g‘risida”gi Nizomga asosan 2026-yil uchun ish o‘rinlarini band qilib qo‘yish maqsadida, “Mahalliy davlat hokimiyati to‘g‘risida”gi O‘zbekiston Respublikasi Qonunining 6- va 24-moddalariga asosan xalq deputatlari To‘rtko‘l tumani Kengashi

QAROR QILADI:

1. Quyidagilar:

- a) O‘zbekiston Respublikasi Prezidentining 2025-yil 23-iyundagi “O‘zbekiston Respublikasida mahalliy davlat hokimiyati vakillik organlari faoliyatini 2030-yilga qadar rivojlantirish konsepsiyasini tasdiqlash to‘g‘risida” PF-98-son Farmoniga asosan ijtimoiy muhofazaga muhtoj, ish topishda qiynalayotgan va mehnat bozorida teng shartlarda raqobatlasha olmaydigan shaxslarni ishga joylashtirish uchun ish o‘rinlarining eng kam sonini belgilash va zaxiraga qo‘yish vakolatlari Xalq deputatlari mahalliy Kengashlariga o‘tkazilganligi;
- b) O‘zbekiston Respublikasi Prezidentining 2025-yil 4-avgustdagi “Mehnat munosabatlari va kasbga tayyorlash tizimini takomillashtirish hamda ish beruvchilarni rag‘batlantirishga oid qo‘shimcha chora-tadbirlar to‘g‘risida” PF-126-son Farmoniga asosan:

xo'jalik yurituvchi subyektlar faqat nogironligi bo'lgan shaxslar, oilaviy (maishiy) zo'ravonlikdan jabrlangan shaxslar, kambag'al oilalar reyestridagi oilalarning a'zolari, muqobil joylashtirish shakllarida tarbiyalangan yetim shaxslar, ota-ona qaramog'idan mahrum bo'lgan shaxslar uchun ish o'rinlarining majburiy zaxiralari shakllantirilishi, bunda majburiy zaxiralash xodimlar umumiy sonining 3 foizidan oshmasligi hamda xodimlari soni 100 nafardan ortiq bo'lgan tashkilotlarga nisbatan qo'llanilishi;

byudjet tashkilotlari va davlat ulushi 50 foizdan yuqori bo'lgan korxonalar faqat nogironligi bo'lgan shaxslar, oilaviy (maishiy) zo'ravonlikdan jabrlangan shaxslar, kambag'al oilalar reyestridagi oilalarning a'zolari, muqobil joylashtirish shakllarida tarbiyalangan yetim shaxslar, ota-ona qaramog'idan mahrum bo'lgan shaxslar, jazoni ijro etish muassasalaridan ozod qilingan hamda odam savdosidan jabrlangan shaxslar uchun ish o'rinlarining majburiy zaxiralari shakllantirilishi, bunda majburiy zaxiralash xodimlar umumiy sonining 7 foizidan oshmasligi hamda xodimlari soni 20 nafardan ortiq bo'lgan tashkilotlarga nisbatan tatbiq etilishi belgilanganligi rahbarlik va ijro uchun qabul qilinsin.

2. To'rtko'l tumani Kambag'allikni qisqartirish va bandlikka ko'maklashish bo'limi hamda To'rtko'l tumani "Inson" ijtimoiy xizmatlar markazining To'rtko'l tumani hududidagi tashkilotlar bo'yicha 2026-yilda aholining ijtimoiy ehtiyojmand toifalari uchun ish o'rinlarini belgilash to'g'risidagi quyidagi takliflari ma'qullansin:

xodimlar soni 20 nafardan ortiq bo'lgan davlat tashkilotlarida majburiy zaxiralanadigan ish o'rinlari soni xodimlar umumiy sonining yetti foizidan oshmagan miqdorda hamda xodimlar soni 100 nafardan ortiq bo'lgan xo'jalik yurituvchi subyektlarda (davlat ulushi 50 foizdan yuqori bo'lgan korxonalar bundan mustasno) majburiy zaxiralanadigan ish o'rinlari soni xodimlar umumiy sonining uch foizidan oshmagan miqdorida kelgusi yil uchun 84 ta ish o'rinlarini zaxiraga qo'yish, jumladan:

nogironligi bo'lgan shaxslar uchun 9,5 foiz (8 kishi);

oilaviy (maishiy) zo'ravonlikdan jabrlangan shaxslar uchun 6,0 foiz (5 kishi);

kambag'al oilalar reyestridagi oilalarning a'zolari uchun 73,8 foiz (62 kishi);

muqobil joylashtirish shakllarida tarbiyalangan yetim va ota-ona qaramog'idan mahrum bo'lgan shaxslar uchun 1,2 foiz (1 kishi);

jazoni ijro etish muassasalaridan ozod qilingan shaxslar uchun 9,5 foiz (8 kishi) miqdorida ish o'rinlarining majburiy zaxiralari shakllantiriladi.

3. 2026-yilda aholining ijtimoiy ehtiyojmand toifalarini ishga joylashtirish maqsadida quyidagilar:

davlat tashkilotlari (byudjet tashkilotlari va davlat ulushi 50 foizdan yuqori bo'lgan korxonalar) tomonidan majburiy zaxira qo'yiladigan ish o'rinlarining manzilli ro'yxati 1-ilovaga muvofiq;

xodimlarining ro'yxatdagi o'rtacha yillik soni yuz nafardan ortiqni tashkil etadigan xo'jalik yurituvchi subyektlar (davlat ulushi 50 foizdan yuqori bo'lgan korxonalar bundan mustasno) tomonidan majburiy zaxira qo'yiladigan ish o'rinlarining manzilli ro'yxati 2-ilovaga muvofiq tasdiqlansin.

4. Korxonalar, tashkilotlar va muassasalar rahbarlari:

zaxiraga qo'yiladigan ish o'rinlari umumiy sonining kamida yigirma besh foizi miqdorida zaxiraga qo'yiladigan ish o'rinlarining tayyorligini yil boshlanishidan oldin o'n kundan kechiktirmay ta'minlashi, shuningdek, bu haqda yil boshlangunga qadar To'rtko'l tumani Kambag'allikni qisqartirish va bandlikka ko'maklashish bo'limini xabardor qiladi;

ish o'rinlarining qolgan qismini zaxiraga qo'yish tashkilot (ish beruvchi) tomonidan kalendar yilning birinchi choragi mobaynida ta'minlashi, bu haqda To'rtko'l tumani Kambag'allikni qisqartirish va bandlikka ko'maklashish bo'limini birinchi chorak tamom bo'lganidan so'ng, 10 kundan kechikmay xabardor qiladi;

ishga joylashtirish to'g'risida To'rtko'l tumani Kambag'allikni qisqartirish va bandlikka ko'maklashish bo'limiga har oyda, hisobot oyidan keyingi oyning 5-sanasiga qadar axborot taqdim etadi;

zaxiraga qo'yiladigan ish o'rinlarini saqlash shartlari O'zbekiston Respublikasining "Aholi bandligi to'g'risida"gi Qonunining 40-moddasiga muvofiq belgilangan tartibda amalga oshiriladi.

5. O'zbekiston Respublikasi Prezidentining 2025-yil 14-fevraldagi "Aholini tadbirkorlikka jalb qilish va bandligini ta'minlash uchun moliyaviy yordamlar ajratish tizimini takomillashtirishga oid qo'shimcha chora-tadbirlar to'g'risida" PQ-64-son qaroriga muvofiq aholining ijtimoiy ehtiyojmand toifalaridan bo'lgan shaxslarni ish o'rinlarining belgilangan eng kam sonidan ortiq miqdorda ishga qabul qilish uchun ish beruvchilarga – har bir xodim uchun 12 oy davomida har oyda bazaviy hisoblash miqdorining 2 baravari miqdorida subsidiya mablag'lari to'lab berilsin.

6. O'zbekiston Respublikasining "Aholi bandligi to'g'risida"gi Qonuni 3-, 13-, 34-, 38-, 39-, 40-, 41-moddalariga asosan aholining ijtimoiy ehtiyojmand toifalariga eng kam miqdordagi ish joylarini yaratish yuzasidan qabul qilingan mazkur qarorni bajarmaganlik uchun ish beruvchilar qonunchilikda belgilangan tartibda javobgarlikka tortiladi.

7. O'zbekiston Respublikasi Vazirlar Mahkamasining 2017-yil 5-dekabrda 965-sonli qarori bilan tasdiqlangan "Ijtimoiy muhofazaga muhtoj, ish topishda qiynalayotgan va mehnat bozorida teng shartlarda raqobatlasha olmaydigan shaxslarni ishga joylashtirish uchun ish o'rinlarining eng kam sonini belgilash va zaxiraga qo'yish tartibini yanada takomillashtirish chora-tadbirlari to'g'risida"gi Nizomning 21-bandi, 2-qismiga asosan, muhtojlar uchun ish o'rinlarini zaxiraga qo'yish bo'yicha To'rtko'l tumani Kengashining qarori bajarilmaganligi uchun jarima to'lash tashkilotni zaxiraga qo'yiladigan ish o'rinlarining belgilangan sonini yaratish bo'yicha majburiyatdan ozod qilmaydi.

8. To'rtko'l tumani Kambag'allikni qisqartirish va bandlikka ko'maklashish bo'limi (Z.Xamidov):

besh kun muddatda ushbu qaror nusxasini 1- va 2-ilovalarda ko'rsatilgan tashkilotlar rahbarlarining e'tiboriga yetkazsin va ushbu qaror bajarilishi ustidan nazoratni ta'minlasin;

aholining ijtimoiy ehtiyojmand toifalari uchun ish o‘rinlarining eng kam sonini belgilash bo‘yicha xalq deputatlari To‘rtko‘l tumani Kengashining ushbu qarori bajarilmaganda, shuningdek, ularni ishga qabul qilish asossiz ravishda rad etilganligi uchun tashkilotlarning mansabdor shaxslariga qonun hujjatlarida belgilangan tartibda ma‘muriy javobgarlikka tortish ta‘minlansin.

9. Mazkur qaror ommaviy axborot vositalarida e‘lon qilinsin hamda hokimlikning rasmiy veb-saytiga joylashtirilsin.

10. Mazkur qarorning ijrosini nazorat qilish tuman hokimining birinchi o‘rinbosari (Z.Ismailov) hamda xalq deputatlari tuman Kengashining Ijtimoiy soha, yoshlar siyosati, madaniyat va sport masalalari bo‘yicha doimiy komissiyasi (Z.Xodjaniyazova) zimmasiga yuklansin. zimmalariga yuklatilsin.

11. Mazkur qaror rasmiy e‘lon qilingan kundan kuchga kiradi.

Sessiya raisi



MASHARIPOV
BAXTIYAR
IBADULLAYEVICH

Xalq deputatlari To'rtko'l tumani Kengashining
2025-yil 31-oktabrdagi
VII-16-123-13-190-K/25 -son qaroriga
1-ilova

To'rtko'l tumanida 2026-yilda aholining ijtimoiy ehtiyojmand toifalarini ishga joylashtirish uchun davlat tashkilotlari *(byudjet tashkilotlari va davlat ulushi 50 foizdan yuqori bo'lgan korxonalar)* tomonidan majburiy zaxira qo'yiladigan ish o'rinlarining manzilli
RO'YXATI

T/r	Tashkilot nomi	Tashkilotning STIRi	Shtat jadvali bo'yicha xodimlarning umumiy soni	shundan,	Kelgusi yil uchun zaxiraga qo'yladigan ish o'rinlari soni	shu jumladan:					
				nogironligi bo'lgan shaxslar soni		nogironligi bo'lgan shaxslar	oilaviy (maishiy) zo'ravonlikdagi jabrlangan shaxslar	kambag'al oilalar reyestridagi oilalarning a'zolari	muqobil joylashtirish shakllarida tarbiyalangan yetim, ota-ona qaramog'idan mahrum bo'lgan shaxslar	jazoni ijro etish muassasalari dan ozod qilingan shaxslar	odam savdosidagi jabrlangan shaxslar
JAMI:			4271	107	60	5	4	43	0	8	0
1	1-SON POLITEXNIKUMI	200370872	46	3	2	1		1			

2	TO'RTKO'L DAVLAT O'RMON XO'JALIGI	200392125	56	2	2		1			1	
3	TIBBIYOT BIRLASHMASI	200392480	2063	37	10	2	3	5			
4	TO'RTKO'L ABU ALI IBN SINO NOMIDAGI JAMOAT SALOMATLIGI TEXNIKUMI	200393511	83	7	2			2			
5	TO'RTKO'L SAVDO KOMPLEKSI MAS'ULIYATI CHEKLANGAN JAMIYATI	201783341	37	3	2					2	
6	OBODONLASHTI RISH BOSHQARMASI	204633184	207	5	7			2		5	
7	1-SONLI DAVLAT MAKTABGACHA TA'LIM TASHKILOTI"	204313234	64	2	1			1			

8	2-SONLI DAVLAT MAKTABGACHA TA'LIM TASHKILOTI	207027294	47	0	1			1			
9	9-SONLI DAVLAT MAKTABGACHA TA'LIM TASHKILOTI	207006867	55	4	1			1			
10	15-SONLI DAVLAT MAKTABGACHA TA'LIM TASHKILOTI	207026289	53	3	1			1			
11	18-SONLI DAVLAT MAKTABGACHA TA'LIM TASHKILOTI	207271555	59	1	1			1			
12	3-SONLI UMUMIY O'RTA TA'LIM MAKTABI	206874098	81	3	2			2			
13	8-SONLI UMUMIY O'RTA TA'LIM MAKTABI	206874106	82	2	2			2			

14	13-SONLI UMUMIY O'RTA TA'LIM MAKTABI	206874121	83	2	2			2			
15	4-SONLI UMUMIY O'RTA TA'LIM MAKTABI	206874138	74	1	2			2			
16	2-SONLI UMUMIY O'RTA TA'LIM MAKTABI	206874153	92	3	2			2			
17	14-SONLI UMUMIY O'RTA TA'LIM MAKTABI	206874177	99	1	2	2					
18	5-SONLI UMUMIY O'RTA TA'LIM MAKTABI	206881461	155	4	2			2			
19	16-SONLI UMUMIY O'RTA TA'LIM MAKTABI	206881478	73	1	2			2			

20	1-SONLI UMUMIY O'RTA TA'LIM MAKTABI	206881485	140	7	2			2			
21	45-SONLI UMUMIY O'RTA TA'LIM MAKTABI	206881493	147	4	2			2			
22	40-SONLI AYRIM FANLAR CHUQURLASHTI RILIB O'QITILADIGAN SINFI MAVJUD UMUMIY O'RTA TA'LIM MAKTABI	206883332	122	3	2			2			
23	22-SONLI UMUMIY O'RTA TA'LIM MAKTABI	206889514	83	1	2			2			
24	19-SONLI UMUMIY O'RTA TA'LIM MAKTABI	206897282	70	1	2			2			

25	10-SONLI UMUMIY O'RTA TA'LIM MAKTABI	206918341	104	4	2			2			
26	18-SONLI AYRIM FANLAR CHUQURLASHTI RILIB O'QITILADIGAN SINFI MAVJUD UMUMIY O'RTA TA'LIM MAKTABI	206918358	96	3	2			2			

Xalq deputatlari To‘rtko‘l tumani Kengashining
2025-yil 31-oktabrdagi
VII-16-123-13-190-K/25 -son qaroriga
2-ilova

**To‘rtko‘l tumanida 2026-yilda aholining ijtimoiy ehtiyojmand toifalarini ishga joylashtirish uchun xodimlarining ro‘yxatdagi o‘rtacha yillik soni yuz nafardan ortiqni tashkil etadigan xo‘jalik yurituvchi subyektlar (davlat ulushi 50 foizdan yuqori bo‘lgan korxonalar bundan mustasno) tomonidan majburiy zaxira qo‘yiladigan ish o‘rinlarining manzilli
RO‘YXATI**

T/r	Tashkilot nomi	Tashkilotning STIRi	Shtat jadvali bo'yicha xodimlarning umumiy soni	shundan,	Kelgusi yil uchun zaxiraga qo'yladigan ish o'rinlari soni	shu jumladan:			
				nogironligi bo'lgan shaxslar soni		nogironligi bo'lgan shaxslar	oilaviy (maishiy) zo'ravonlikdan jabrlangan shaxslar	Kambag'al oilalar reestridagi oilalarning a'zolari	muqobil joylashtirish shakllarida tarbiyalangan yetim, ota-ona qaramog'idan mahrum bo'lgan shaxslar
Jami:			1420	106	24	3	1	19	1
1	“TO‘RTKO‘L SHISHA IDISHLARI” MAS'ULIYATI CHEKLANGAN	304709290	112	3	5	2		3	

	JAMIYATI								
2	“TO‘RTKO‘L SILKWORM PRO” MAS’ULIYATI CHEKLANGAN JAMIYATI	306081061	1053	95	10	1	1	7	1
3	“AGRO TO‘RTKO‘L TEKSTIL CLUSTER” MAS’ULIYATI CHEKLANGAN JAMIYATI	306831544	115	2	5			5	
4	“TO‘RTKO‘L TOZA HUDUD KLASSTER” MAS’ULIYATI CHEKLANGAN JAMIYATI	307903064	140	6	4			4	